

«ХАЛЛИБЭРТОН»НИНГ ЯНГИ МУАММОСИ

АҚШнинг «Халлибэртон» корпорацияси билан боғлиқ яна бир муаммо юзага келди. Хукумат унга қарашли шўба компаниялардан бирига нисбатан жиноий иш қўзғади. Компания мамлакат қонунини бузиб, Эрон билан савдо алоқаси ўрнатишда айбланаётди.

«Халлибэртон продактс энд сервисиз» деб номланган мазкур компания нефть қазиб чиқариш қурилмалари билан савдо қилади. Унинг қароргоҳи Бирлашган Араб Амирикларида жойлашган. Текширувлар натижасида компания ўз маҳсулотларини эронлик мижозларга етказиб бераётгани аниқланди.

«Халлибэртон» корпорациясининг фаолияти 2003 йилнинг охирида жиддий танқид қилинган эди. Бунга унинг шўба корхоналаридан бири Ироқдаги АҚШ ҳарбий хизматчилари учун озиқ-овқат маҳсулотларини белгиланганидан юқори нархда сотгани сабаб бўлди. Компанияга бир неча йил илгари мамлакатнинг амалдаги вице-президенти Дик Чейни раҳбарлик қилган эди. Бу «Халлибэртон» борасидаги гап-сўзлар янада кескинлашувига олиб келди.

АҚШ молия вазирлигининг хориждаги сармояларни назорат қилиш бошқармаси 2001 йилдан «Халлибэртон продактс энд сервисиз»нинг фаолиятига қизиқа бошлади. Тергов ишлари эса ордан уч йил ўтгач, текширув хулосалари ўрганиб чиқилганидан сўнг бошланди.

1995 йилда қабул қилинган қонунга мувофиқ, АҚШ корпорацияларининг Эрон билан савдо алоқалари маън қилинган. Бироқ уларнинг хорижий мамлакатлардаги мустақил шўба фирмаларига бундай фаолият учун рухсат берилган. «Халлибэртон продактс энд сервисиз» эса Кайман оролларида рўйхатга олинган бўлиб, унинг менежерлари чет эл фуқароларидир. Шу боис компания айбловни инкор этмоқда.

«Камолот»

МАРОҚЛИ ҲОРДИҚ ЧИҚАРИШМОҚДА

«Яхши дам — меҳнатга ҳамдам» деган ажойиб бир нақл бор халқимизда. Ҳақиқатан ҳам кундалик ўқиш ва иш жараёни ҳар қандай кишини толиқтириши табиий. Инсонни бир хил шароит ва доимий муҳит зериктиради, натижада унда изланиш, интилиз сусайиб бораверади. Киши қанча яхши хордиқ чиқарса, унинг иш унумида ҳам ижобий тарафга ўзгаришлар кўпаяди.

Кўпчилик хордиқ олиш тушунчасини тор маънода қабул қилади. Бундайлар учун хордиқ — фақатгина мазза қилиб уқлаш, яхши овқатланиш, кино кўриш дегани бўлса, бошқа тоифадагилар учун бу тушунча юқоридагилардан мутлақо фарқлидир. Улар учун театрға тушиш, оилавий саёҳатга чиқиш, спорт билан шуғулланиш, табиат қўнида сайр қилиш — хордиқнинг энг сурурли онлари ҳисобланади. Бундай фаол дам олувчиларга ҳар доим ҳавас қилсак арзийди.

Ҳўш, айна дам олиш ойида бизнинг мактабдош дўстларимиз нималар билан машғул эканлар? Ёзги таътида улар қандай фойдали ишлар билан шуғулланишмоқда? Бу саволларга жавоб топиш мақсадида, шунингдек, оромгоҳларда дам олувчи тенгдошларимиз ҳаёти билан қизиқиб, «Камолот» ЕИХ Акмал Икромов тумани бўлими Кенгашида бўлдик.

— Келганларингиздан жудаям хурсандим, ҳозир етакчиларимиз билан биргаликда Юсуф Саккокий маҳалласида бўладиган кўча спорт мусобақасига кетаётгандик, — дея очик юз билан бизни қарши олди туман «Камалот» болалар ташкилоти раиси Умида Раҳимова.

Маҳалладаги 14-мактабга борганимизда мусобақага тайёр бўлиб туришган болажонларни кўриб завқимиз келди. Иш-

тирокчиларнинг барчаси кўтаринки руҳда, «Камолот» ва «Камалак» ташкилотининг шиорлари ёзилган плакатларни кўтаришиб мусобаканинг бошланишини сабрсизлик билан кутишмоқда. «Маҳалла умидлари» маркази билан ҳамкорликда ўтказилган ушбу кўча оммавий спорт мусобақаларида туманнинг 7 ёшдан 14 ёшгача бўлган ўсмир ёшлари спортнинг шахмат, шашка, футбол, стол тенниси каби бир неча турлари бўйича ўзларини синаб кўриш учун ййгилишган. Чаққонликда, эпчилликда бир-бирини қолишмайдиган маҳалла ўсмирлари мусобақа майдонида ўзларининг бор маҳоратларини намойиш этишга ҳаракат қилишди. Қизгин беллашувлар нихосида голиблар аниқланди.

— Ёзги таътил давомида ёшларнинг кўпчилиги



Ёз — қўтмоқда соғ

ОРОМГОҲДА СПОРТ МУСОБАҚАЛАРИ

Миллатимиз гурурига айланган, 24 ёшида дунё шахмат тоҳини кўлга киритиб, қурраи замин олқишига сазовор бўлган юртдошимиз Рустам Қосимжоновнинг айна пайтда мухлислари сон-саноксиз. Шахмат тахтасининг оққора катакларига термулиб ўтирган ҳар бир болакайнинг энг улғу мақсади Рустам сингари шахмат устаси бўлиш.

Бундай яхши мақсадли ёшларимизни қўллаб-қувватлаш, уларга яқиндан кўмак бериш ниятида «Маънавият ва маърифат» маркази Акмал Икромов тумани бўлими, туман «Соғлом авлод учун» таянч маскани ҳамда «Камолот» ЕИХнинг туман бўлими Кенгашида ҳамкорлигида «Трамвайчи» оромгоҳида катта мусобақа ўтказилди. Спортнинг шахмат, шашка, стол тенниси каби турлари бўйича ташкил этилган ушбу мусобақада оромгоҳнинг барча ёшлари иштирок этишди.

Айниқса шахмат мусобақасига Қосимжоновга ёшлигида мураббийлик қилган Алексей Букиннинг ташриф буюриши ўйин иштирокчиларини тўлқинлантириб юборди, десак хато қилмаймиз. Шахмат ишқибозларининг қўидаги сўзларидан ҳам бунга ўзингиз гувоҳ бўласиз.

— Мен Хусан Турдиев, шу оромгоҳда дам оляпман. Шахматга жуда қизиқман. Келажакда зўр шахматчи бўлиш ниятим. Ҳар бир юришимизни кузатиб турган Алексей Букиннинг сўзлари биз ёшлар учун катта мактаб бўлмоқда. Мен бундан жудаям хурсандман. Чунки бу заҳматкаш инсон дунё шахмат усталари тан олган Рустам Қосимжоновнинг мураббийларидандир.

Қизиқарли ўтган ўйинлар сўнгиди голиблар аниқланди ва уларга ҳомий ташкилотларнинг эсдалик совғалари тақдим этилди.

Озода РАҲМАТОВА

«ИШЛАБ ТОП!»

Жаноб тадбиркорлар ва муҳтарам корхона раҳбарлари!

Биз навқирон, иқтидорли, гайратта тўла ёшларимиз. Бизга фақат Сизнинг тажриба ва кўмагингиз еттишмайпти. Гайрат ва тажрибани бирлаштириш вақти келди. Чунки бу — муваффақиятга олиб боровчи энг қисқа йўл.



AMOLOT

TOSHKENT SHAHAR BO'LIMI

Тошкент шаҳар «КАМОЛОТ» и тадбиркорларга «Ишлаб топ» ижтимоий акциясида фаол иштирок этиб, ёшлар учун мавсумий иш ўринларини тақдим этишини тақлиф қилади. Кўшимча маълумотларни

137-72-20, 137-72-21

телефон рақамлари орқали алоқа марказидан олишингиз мумкин. Ёки ушбу вебсайтлардан акция ҳақидаги ахборотга эга бўлишингиз мумкин:

www.tashkentkamolot.uz

www.2oxygen.com

www.kvn.uz

Акцияда қатнашган тадбиркорларга «Тасвир» нашриёт уйининг барча нашрларида реклама жойлаштириш учун имтиёзлар берилади.

ҚУТЛАЙМИЗ!

Қадрли Ротация цехи бошлиғи ўринбосари Нарзулла ҲАМРОЕВ!

Сизни муборак 40 ёшингиз билан чин дилдан қутлаймиз. Доимо бахт, омад, шодлик ва саломатлик сизни тарқ этмасин. Ҳамиша юзингиз ёруғ, мартабангиз баланд, ишингиз унумли ва ҳаёт йўлингиз раван бўлсин.

«Шарқ» нашриёт-матбаа акциядорлик компанияси газеталар мажмуаси жамоаси.

